



UNIVERSITÄTS-  
BIBLIOTHEK  
PADERBORN

**Veritates Christianæ Qvæ Modvm Exhibent Benè Vivendi  
Et Benè Moriendi**

**Balde, Hendrik**

**Ipris, 1689**

34. Cap. De peccato reprobationis.

---

---

**Nutzungsbedingungen**

[urn:nbn:de:hbz:466:1-56447](https://nbn-resolving.org/urn:nbn:de:hbz:466:1-56447)

*Illā est peccati p̄na iustissima, ut qui recusat facere, cum posset, noluit, amittat posse cum velit.* inquit S. Augustinus (a)

Hęc est veritas, quam sedulo perpendere nos oportet; quemadmodum enim nullum est excellentius donum, quam gratia efficax, ita nulla spes magis inanis, spe hominis impij, qui in animum suum inducit, gratijs divinis pręveniendum se, quando illas desiderabit.

Qui se quotidie non emendat, is quotidie fit deterior. Pœnitentia sera, raro vera.

### CAPVT XXXIV.

*De peccato reprobationis.*

**S**, Scriptura, Sancti Patres, & Theologi asserunt certum esse numerum peccatorum, quæ Deus in quovis homine tollerare decrevit.

Peccatum, inquiunt, quo numerus ille completur, est peccatum ad mortem (b) seu reprobationis; isto siquidem commisso de salute nostra conclamatum est, eò quod Deus hominem impium infirmitati suæ, malitiæque permittat, qui eius longanimitate ac misericordiâ tam diu

(a) Lib. 3. de lib. arbit. (b) Io. 1. cap. 5.



turno tempore abusus sit. Hoc altè animo imprimendum.

Dico itaque certum esse peccatorum numerum, & à postremo hujus numeri peccato reprobationem nostram, damnationemque pendere.

S. Cyrillus explicans illa CHRISTI verba: *Implete mensuram Patrum vestrorum.*

Ait, impium à Deo tolerari ad certum usque numerum peccatorum, sic ut, illo completo; ulterioris gratiæ suæ denegatione in illum animaduertat.

Vlcus, dum planè maturuit, dirumpitur, horologio circumacto, sonat hora, bestia in foveam cadit ultimo fixo vestigio.

Haud aliter postremo peccato numeri istius, quem Deus tolerare decreverat, perpetrato, ruit homo præceps in æternam damnationem.

Porro sicut extremum vestigium, quo posito fera in foveam labitur, majus antecedentibus esse non debet, & quemadmodum necesse non est, ut ultimum temporis punctum, quo evoluta hora sonat, diutiùs ceteris duret; ita nequam necessarium est, ut postremum peccatum, quo admissò, in sempiternum præcipitatur exitum, vel majus sit reliquis, vel diutiùs duret; sufficit si præfinitum



nitum à Deo numerum terminet.

Quid censes, ô homo! his auditis an non est, quod meritò totis artibus cunctè miscalas? quis enim novit, utrum prima noxa mortifera, quam committes numerum hunc non sit completura? ignoras quot peccata mortalia Deus in te tolerare statuerit; non nisi unum tolerare voluit in tot millibus Angelorum totque hominibus: primo admisso illos ad inferos detruxit. Hæc seriò & accuratè perpende.

Quidam fures assiduè mortem effugiunt & in furtis suis consenescent; alij primo in furto deprehensi in furcam aguntur.

Peccatorum numerum, quem Deus in nobis tolerare decrevit, prorsus ignoramus. Quare, si mortiferam nunquam culpam admiseris, noli etiam posthac illam unquam admittere; prima enim quam perpetrases carè nimis tibi consistaret, sempiterno, forsitan interitu.

Multas si commiseris, habe gratias Deo, quod hactenus tam clementer te pepercerit, & cave sedulò ne relabaris mensura tua forsan brevi erit impleta. fortè unum duntaxat alterumve peccatum mortiferum requiritur, ut in statum æternæ damnationis adducaris. Cave, inquit.

S. Ambrosius



S. Ambrosius (a) *Ne cum mortuus fueris semel, moriaris iterum, jam non peccato morieris, sed venie.*

Posset te quidem Deus per omnipotentia suæ miraculum in statum veniæ obtinendæ restituere, sed quæ spes illum id esse facturum? quandoquidem (numero peccatorum expleto, aut noxâ reprobationis peractâ) decreverit gratias suas singulares tibi denegare, quarum ope destitutus æterum es periturus.

Sicut enim certus est numerus peccatorum, quæ Deus in quolibet homine tolerare statuit, ita & certa est mensura gratiarum, quas Deus unicuique largiri decrevit.

Deus inquit S. Gregorius (b) *Prius dulciter vocat, & postmodum terribiliter increpat, & ad extremum irretactabiliter damnat.*

## CAPVT XXXV.

## DE PECCATO VENIALI.

NON solum à gravioribus, sed à levioribus etiam noxis concipiendus est horror. Studiosè caves, ne vel in minimo displiceas hominibus, quos cordatè

(a) *Serm. 18. in ps. 118.* (b) *Lib. 18. c. 17.*